



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CXV. Markgraf Otto genehmigt den Verkauf des Schulzenamtes zu Königsberg an Henning Rüdiger und Fabian, am 12. Juni 1365.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

Ridder, Hennyng Brederlow vnd genuch ander erbare Lude. Gegeuen tu Kongesperch, na gods gebord dritteynhundert Jar ym vir vnd Sestigestem Jare, am donredage vor Symonis vnd Jude der hiligen Aposteln.

Nach dem Original des Königsberger Stadtarchives No. 78.

CXV. Markgraf Otto genehmigt den Verkauf des Schulzenamtes zu Königsberg an Henning Rüdiger und Fabian, am 12. Juni 1365.

Wi Otto, von gods gnaden Marggraue tu Brandenburg vnd tu Lufitz, des heligen Romischen Rikes ouerste camerer, Paltzgraue by Ryne vnd herthog in Beyern, Bekennen openbar, dat wi den bescheiden vnsern borgern tu Kongesperch, Hennyng Rudiger vnd Fabiane, syner dochter man, med eyner gesamenden hand vnd eren rechten eruen verlegen hebben vnd verlyen mit diesem brieue dat schulden ambacht tu Kongesperch, vnser stad, med dem dridden pennynge des wurtynses, med dem dridden pennynge des stedegelts vnd med dem dridden pennynge der Broke, di darvff komen vnd gevallen mogep, dat sy van hennyng Schulden Bollen vnd hennyng Bollen, gebrudern, vnsern borgern tu kongesperch, vme ere gereide gelt gekoft hebben, dy ok datselue Schulden ambacht vor vns vnd vnserm rade tu der vrogenanten hennynges, fabians vnd irer eruen hand vnd behuff willichliken upgelaten hebben, med allen eren rechten, friheiden, gulden vnd nutten, dy van aldir vnd tu rechte dar tu gehoret hebben vnd noch gehoren vnd als ed dy vrogenanten Schulte vnd Bollen vor van vns gehat hebben vnd beseten, vorbat von vns tu eynem rechten leyne tu hebben vnd tu genyeten vredelicken vnd gerucliken vnd ane allerley hindernisse tu besiten mede orkunde des brieues, daran vnser Ingeligel gehangen ist. Dar ouir syn gewesen dy Erwerdige in got vaitir vnd here henrich, Bisschop tu Lubus, dy vesten manne mertyn von kuntzendorp, vnser houemeister, Petir von Bredow, ritter, heinrich von schulenborch vnd nickel von Ertmerstorp, vnser voyget vnd andere Erbare lute genug. Gegeuen tu kongesperch, na Cristi geburde dritteynhundert iar, dar nach in dem vif vnd Sestigestem iare, an des heiligen Lichamen taghe.

Nach dem Original des Königsberger Stadtarchives No. 80.